

Broj: 01-306/22

Datum: 25.02. 2022. god.

KOMISIJA ZA PRIPREMANJE PRIJEDLOGA ZA IZBOR U NAUČNONASTAVNO ZVANJE VIŠEG ASISTENTA/ICE NA PREDMETIMA NAUČNE OBLASTI KRIVIČNO PRAVO

Sarajevo, 25.2.2022. godine

NASTAVNO – NAUČNOM VIJEĆU PRAVNOG FAKULTETA UNIVERZITETA U SARAJEVU

Predmet: *Izveštaj Komisije za pripremanje prijedloga za izbor u naučnonastavno zvanje višeg asistenta/ice na predmetima naučne oblasti Krivično pravo*

Podaci o objavljenom konkursu i formiranju Komisije

a) Univerzitet u Sarajevu – Pravni fakultet, na osnovu usvojenog Dinamičkog plana potreba za raspisivanjem konkursa za izbor u zvanja u akademskoj 2021/2022. godini, raspisao je konkurs za izbor/napredovanje jednog saradnika/ice u zvanje višeg asistenta/ice na predmetima naučne oblasti Krivično pravo. Konkurs je objavljen u dnevnom listu „Oslobođenje“ i na web stranicama Univerziteta u Sarajevu i Univerziteta u Sarajevu – Pravnog fakulteta dana 6.1.2022. godine. U ostavljenom roku za podnošenje prijava na konkurs (15 dana od dana objavljivanja) prijavila se jedna kandidatkinja za izbor u zvanje više asistentice.

b) Nastavno – naučno vijeće Pravnog fakulteta Univerziteta u Sarajevu je na svojoj XI (elektronskoj) sjednici održanoj 9.2.2022. godine na osnovu čl. 106. st. (3) Zakona o visokom obrazovanju Kantona Sarajevo („Sl. novine Kantona Sarajevo“, br. 33/17, 35/20, 49/20 i 39/21 – dalje: ZVO) donijelo Odluku o imenovanju Komisije za pripremanje prijedloga za izbor jednog saradnika/ice u zvanje višeg asistenta/ice na predmetima naučne oblasti Krivično pravo (dalje: Komisija) u sastavu:

1. Akademik, prof. dr Borislav Petrović, redovni profesor Univerziteta u Sarajevu – Pravnog fakulteta na predmetima naučne oblasti Krivično pravo, predsjednik i član,
2. Prof. dr Amila Ferhatović, vanredna profesorica Univerziteta u Sarajevu – Pravnog fakulteta na predmetima naučne oblasti Krivično pravo, članica,
3. Prof. dr Hajrija Sijerčić – Čolić, redovna profesorica Univerziteta u Sarajevu – Pravnog fakulteta na predmetima naučne oblasti Krivično procesno pravo, članica.

c) Na osnovu Odluke o imenovanju Komisije broj: 01-207-1/22 od 9.2.2022. godine, zadatak Komisije je da podnese pisani Izveštaj sa prijedlogom Nastavno – naučnom vijeću Univerziteta u Sarajevu – Pravnog fakulteta u Sarajevu u skladu sa tekstom raspisanog konkursa u roku od 45 dana od isteka roka za podnošenje prijava na konkurs.

d) Nakon što je razmotrila prijavu i priloženu dokumentaciju prijavljene kandidatkinje, Komisija u skladu sa čl. 106 – 108. ZVO i čl. 205. Statuta Univerziteta u Sarajevu iz 2018. godine (dalje: Statut) podnosi sljedeći

IZVJEŠTAJ

1. Prijava kandidatkinje

Na osnovu pisane potvrde Sekretarke Univerziteta u Sarajevu – Pravnog fakulteta broj 01-207-2/22 od 10.2.2022. godine, Komisija konstatira da se na **konkurs za izbor/napredovanje jednog saradnika/ice**

u zvanje višeg asistenta/ice na predmetima naučne oblasti Krivično pravo prijavila jedna kandidatkinja, i to:

1. Kanita Pruščanović, MA iur.

Prijava na konkurs zavedena je pod brojem 01-104/22 od 20.1.2022. godine na protokolu Univerziteta u Sarajevu – Pravnog fakulteta. Kandidatkinja je uz prijavu dostavila sljedeću dokumentaciju:

- a) biografiju (Curriculum Vitae),
- b) diplome i drugu dokumentaciju o stečenom obrazovanju,
- c) potvrdu o radnom stažu i provedenom jednom izbornom periodu u zvanju stručne saradnice,
- d) potvrdu o angažmanu u realizaciji nastave na predmetima naučne oblasti Krivično pravo,
- e) dokaze o angažmanu u realizaciji nastave i učešću u radu komisija Fakulteta,
- f) uvjerenje o položenim ispitima u okviru doktorskog studija,
- g) dokaze o priznanjima i nagradama,
- h) dokaze o pohađanim seminarima i edukacijama,
- i) dokaze o poznavanju tri strana jezika,
- j) listu objavljenih naučnih radova od izbora u zvanje stručne saradnice, kao i same kopije radova,
- k) listu radova izloženih na konferencijama od izbora u zvanje stručne saradnice uz kopije sažetaka predmetnih radova,
- l) potvrde o projektnim i drugim angažmanima za vrijeme izbornog perioda,
- m) izvod iz matične knjige rođenih,
- n) uvjerenje o državljanstvu.

Prijava Kanite Pruščanović, MA iur. je **blagovremena i potpuna**, te je Komisija u skladu sa zakonskim i statutarnim odredbama vrednovala ispunjenost uvjeta za izbor u zvanje više asistentice na predmetima naučne oblasti Krivično pravo.

2. Biografski podaci, obrazovanje, stečena zvanja i zaposlenje

Kanita Pruščanović rođena je 27.3.1995. godine u Zenici. Prvi ciklus studija na Pravnom fakultetu Univerziteta u Sarajevu završila je 2017. godine, stekavši stručno zvanje bakalaureat/ bachelor prava. Na Prvom ciklusu studija ostvarila je prosjek ocjena 9.94, za što je odlikovana Posebnim priznanjem Zlatna značka Univerziteta u Sarajevu kao najbolja studentica Prvog ciklusa studija Pravnog fakulteta Univerziteta u Sarajevu. Na istom Fakultetu je 2018. godine završila i Drugi ciklus studija na Katedri krivičnog prava, smjer Maloljetničko prestupništvo, stekavši zvanje magistricе prava, te je zbog ostvarenog prosjeka ocjena 10.00 i na Drugom ciklusu studija odlikovana Posebnim priznanjem Zlatna značka Univerziteta u Sarajevu. Uporedo sa redovnim studijem je u periodu od 2015. do 2018. godine pohađala i polaganjem završnog ispita uspješno okončala Dopunski studij njemačkog prava (*Begleitstudium im deutschen Recht*) na Pravnom fakultetu Univerziteta u Sarajevu, koji je organiziran u saradnji sa Njemačkom fondacijom za međunarodnu pravnu saradnju (IRZ). U akademskoj 2018/2019. godini upisala je i Treći ciklus studija (Doktorski univerzitetski studij prava) na Univerzitetu u Sarajevu – Pravnom fakultetu, Krivičnopravni smjer, gdje je u dosadašnjem toku studija ostvarila prosječnu ocjenu 10.00, a dana 20.5.2021. godine uspješno je odbranila projekat doktorske disertacije pod naslovom „Saučiniteljstvo kao oblik saučesništva u savremenom krivičnom pravu“ pod supervizijom i mentorstvom prof. dr Amile Ferhatović.

Tokom studija u periodu od 2015. do 2017. godine bila je angažirana kao student demonstrator na Katedri pravno – ekonomskih nauka Pravnog fakulteta Univerziteta u Sarajevu. Znanja i vještine

usavršavala je pohađanjem mnoštva radionica, seminara i pravnih klinika u zemlji i inostranstvu, kao i uzevši učešće na brojnim projektima, među kojima se naročito ističu projekat *World Universities Comparative Law Project, Legal rating of Bosnia and Herzegovina* u organizaciji Allen & Overy Global Law Intelligence Unit (2017.) i projekat Američke ambasade *Praćenje suđenja u predmetima korupcije i organiziranog kriminala* (12.2016. – 6.2017.). Pohađala je četiri pravne klinike, i to iz oblasti međunarodnog i evropskog prava ljudskih prava (10.2015. – 2.2016.), medicinskog prava (2017.), prava djeteta (2017.) i *Trial Skills* (11.2017. – 1.2018.), a značajnije ljetne škole koje je pohađala u inostranstvu su: *Ljetna škola njemačkog jezika i austrijske kulture i civilizacije* na Diplomatskoj akademiji u Beču (2014.), *Ljetna škola iz oblasti krivičnog prava Law on the Bosphorus* na Pravnom fakultetu Univerziteta u Istanbulu (2016. i 2017.) i *Ljetna škola njemačkog prava Njemačke fondacije za međunarodnu pravnu saradnju (IRZ)* u Bonnu (2016.). Kao studentica aktivno je učestvovala na Međunarodnom film festivalu sa akademskim programom pod nazivom „Zločin i kazna“ u organizaciji Pravnog fakulteta Univerziteta u Istanbulu 2016. i 2017. godine, te na međunarodnoj konferenciji „Procesuiranje genocida u BiH“, gdje je uzela učešće na simuliranom suđenju u žalbenom postupku pred Mehanizmom za međunarodne krivične sudove, na čelu sa sudijom Theodorom Meronom kao Predsjedavajućim sudskog vijeća. U svrhu stručnog osposobljavanja za samostalni rad obavljala je kraće studentske prakse u Uniji turskih općina u Ankari i Istanbulu, Kantonalnom tužilaštvu Kantona Sarajevo i Zavodu za pružanje besplatne pravne pomoći Kantona Sarajevo.

Pored Posebnih priznanja Zlatna značka Univerziteta u Sarajevu na Prvom i Drugom ciklusu studija, dobitnica je i Priznanja za doprinos razvoju, podizanju kvaliteta i ugleda Pravnog fakulteta Univerziteta u Sarajevu povodom 70. godišnjice osnivanja Pravnog fakulteta u Sarajevu, nagrade za najboljeg govornika i za osvojeno prvo mjesto na takmičenju „Adriatic Moot Court Competition“ u okviru *Crime Prevention Through Criminal Law and Security Studies* 2019. godine, nagrade za osvojeno drugo mjesto na takmičenju „Adriatic Moot Court Competition“ u okviru *Crime Prevention Through Criminal Law and Security Studies* 2018. godine, priznanja za osvojeno prvo mjesto na *Državnom takmičenju u simulaciji suđenja iz oblasti krivičnog prava* 2016. godine, a 2017. i 2018. godine bila je i trener tima Pravnog fakulteta Univerziteta u Sarajevu za učešće na *Državnom takmičenju u simulaciji suđenja iz oblasti krivičnog prava*.

Kandidatkinja govori engleski, njemački i turski jezik. Članica je Alumni kluba *Njemačke fondacije za međunarodnu pravnu saradnju (IRZ)*. Također je i članica *Editorial Managment Board-a* časopisa „Journal of Penal Law and Criminology“, Istanbul University Press, u svojstvu *Editorial Assistant*.

Od 2018. godine zaposlena je kao stručna saradnica na Katedri krivičnog prava Pravnog fakulteta Univerziteta u Sarajevu, na naučnoj oblasti Krivično pravo. U skladu sa Ugovorom o sufinansiranju zapošljavanja asistenata i stručnih saradnika na Univerzitetu u Sarajevu po programu „150+“ broj: 04/1-34-01-150+/18 zaključenim 4.5.2018. godine između Službe za zapošljavanje Kantona Sarajevo i Univerziteta u Sarajevu, pored općih zakonskih uvjeta, kandidati su trebali da se nalaze u evidenciji nezaposlenih Službe za zapošljavanje Kantona Sarajevo, te da prednost pri odabiru kandidata imaju dobitnici priznanja Univerziteta u Sarajevu: Zlatna značka, Srebrna značka, Povelja Univerziteta. Kandidatkinja je u postupku prijema u radni odnos ostvarila 100 bodova, odnosno ispunjavala je uvjete u pogledu izbora u zvanje stručne saradnice utvrđene Zakonom o naučnoistraživačkoj djelatnosti Kantona Sarajevo („Sl. novine Kantona Sarajevo“, broj 26/16), kao i dodatne uvjete od naročitog značaja, te je zasnovala radni odnos na period od 4 godine.

3. Ocjena ispunjenosti uvjeta kandidatkinje za izbor u naučnonastavno zvanje više asistentice

Ispunjenost uvjeta za izbor kandidatkinje u naučnonastavno zvanje više asistentice procjenjivana je prema odredbama: čl. 96. st. (1) tač. b) i čl. 180. st. (15) ZVO, čl. 194. st. (1) tač. b) i čl. 219. Statuta i

čl. 20. Zakona o naučnoistraživačkoj djelatnosti Kantona Sarajevo („Sl. novine Kantona Sarajevo“, broj 26/16).

3.1. Stepen Drugog ciklusa studija sa najnižom prosječnom ocjenom i na Prvom i na Drugom ciklusu studija 8 ili 3,5

Na osnovu ovjerenih kopija Diplome o završetku Prvog ciklusa studija br. 1845 od 2.12.2017. godine i Diplome o završetku Drugog ciklusa studija br. 746 od 1.12.2018. godine, Komisija je utvrdila da je kandidatkinja Prvi i Drugi ciklus studija završila na Pravnom fakultetu Univerziteta u Sarajevu. Prvi ciklus studija završila je 2017. godine, sa prosječnom ocjenom 9.94, a Drugi ciklus studija završila je 2018. godine na Katedri krivičnog prava, smjer Maloljetničko prestupništvo, sa prosječnom ocjenom 10.00. U tom smislu kandidatkinja je na Prvom i Drugom ciklusu studija ostvarila prosječnu ocjenu 9.94, te je na osnovu ostvarenih prosječnih ocjena tokom studija dobitnica posebnih priznanja Zlatna značka Univerziteta u Sarajevu i na Prvom i na Drugom ciklusu studija, kao najbolja studentica Prvog ciklusa studija Pravnog fakulteta Univerziteta u Sarajevu i jedna od najboljih studenata Drugog ciklusa studija Pravnog fakulteta Univerziteta U Sarajevu.

3.2. Proveden izborni period u zvanju asistenta

Na osnovu potvrda Univerziteta u Sarajevu – Pravnog fakulteta broj: 01-56/22 od 12.1.2022. godine i broj: 01-56-1/22 od 20.1.2022. godine, Komisija konstatira da je kandidatkinja provela jedan izborni period sa statusom (pravima i obavezama) asistentice, iako je prijem u radni odnos vezan za zvanje stručne saradnice. Konkretnije, cijeli izborni period kandidatkinja je u okviru 40-satne radne sedmice obavljala saradničke poslove vezane za: a) organiziranje i izvođenje vježbi i drugih praktičnih oblika nastave Prvog ciklusa studija pod nadzorom odgovornog nastavnika na nastavnim predmetima Krivično pravo I, Krivično pravo II, Međunarodno krivično pravo i Kriminalistika, b) pomaganje odgovornom nastavniku u organizaciji i izvođenju nastave, semestralnih provjera znanja i ispita na obaveznim i izbornim predmetima naučne oblasti Krivično pravo, c) vođenje evidencije vezane za praćenje i rad studenata, d) konsultacije i drugi oblici rada sa studentima, e) objavljivanje rezultata istraživanja u naučnim i stručnim publikacijama, f) rad u stručnim komisijama Fakulteta i Univerziteta, g) sudjelovanje u organizaciji naučnih, stručnih i drugih skupova, h) sudjelovanje u stručnim poslovima Fakulteta, te druge povjerene poslove.

Na osnovu obavljanja saradničkih poslova u periodu 2018 – 2022. godina, ostvarenih prava kao i pozitivno ocijenjenog izvršavanja svih obaveza na radu i u vezi s radom u okviru djelatnosti Univerziteta u Sarajevu – Pravnog fakulteta i pozitivne evaluacije studenata o izvođenju nastavnih aktivnosti, Komisija konstatira da je vremenski period proveden u zvanju stručne saradnice u konkretnom slučaju ekvivalentan uvjetu vezanom za vremenski period proveden u zvanju asistenta u skladu sa čl. 96. st. (1) tač. b) ZVO i 194. st. (1) tač. b) Statuta.

3.3. Naučnoistraživački i stručni rad kandidatkinje

3.3.1. Radovi

a) Radovi objavljeni do izbora u zvanje stručne saradnice

1. The 1973 Coup in Chile: Dealing with the Pinochet – Era Crimes, the Fight against Impunity and the Chilean path to democracy. *7th International Crime and Punishment Film Festival Protection of Rule of Law against Terrorism and The Coups, Academic Papers*, 3 – 9 November 2017, Istanbul, p. 210 – 218.

2. World Universities Comparative Law Project, Legal rating of Bosnia and Herzegovina (koautor). *Allen & Overy Global Law Intelligence Unit*, 2017. (dostupno i online: http://www.worldunilaw.com/media/1120/bosnia-herzegovina_bk-41917897-v1-bosnia_herzegovina_university_project.pdf)

3. Poverty as a post-war struggle in Bosnia and Herzegovina. *6th International Crime and Punishment Film Festival Poverty, Academic papers*, 30 September - 6 October 2016, Istanbul, p. 463 – 478.

4. Memorializacija i novi pristup memorializacijskoj praksi u BiH, 2015. (rad nastao u okviru seminara „Tranzicijska pravda – put ka miru“, dostupan online: <http://www.mreza-mira.net/vijesti/memorializacija-i-novi-pristup-memorializacijskoj-praksi-u-bih/>)

b) Radovi objavljeni poslije izbora u zvanje stručne saradnice

5. Prednosti alternativnog rješavanja sporova (koautor). *Pravna misao*, 2019, br. 7 – 8, str. 103 – 107.

6. Kućni zatvor sa elektronskim nadzorom (koautor). *Godišnjak Pravnog fakulteta u Sarajevu*, 2019, god. LXII, str. 673 – 708.

7. Teorijsko razgraničenje saučiniteljstva i saučesništva u užem smislu (koautor). *Godišnjak Pravnog fakulteta u Sarajevu*, 2020, god. LXIII, str. 71 – 98.

8. Krivičnopravne posljedice pandemije COVID-19 u Bosni i Hercegovini (koautor). *Godišnjak Pravnog fakulteta u Sarajevu*, 2021, god. LXIV, str. 31 – 64.

Na osnovu odredbe čl. 102 st. (2) Komisija će u nastavku Izvještaja uz kratki komentar i ocjenu predstaviti radove kandidatkinje koji su objavljeni nakon izbora u zvanje stručne saradnice.

I Članci u relevantnim publikacijama

1. Prednosti alternativnog rješavanja sporova u koautorstvu sa Hebib Mirzom i Ruhotina Anisom. *Pravna misao*, 2019, br. 7 – 8, str. 103 – 107., **izvještaj**.

Tekst predstavlja iscrpan izvještaj o zaključcima međunarodne tripartitne naučne konferencije na temu „Prednosti alternativnog rješavanja sporova“, koja je održana na Pravnom fakultetu Univerziteta u Sarajevu povodom obilježavanja „Dana Fakulteta“ i 73 godine kontinuiteta njegovog djelovanja. Navedena Konferencija je realizirana u okviru manifestacije VIII bosanskohercegovačko – hrvatsko – turski pravnički dani, u saradnji sa Pravnim fakultetom Sveučilišta u Zagrebu i Pravnim fakultetom Univerziteta u Istanbulu.

2. Kućni zatvor sa elektronskim nadzorom u koautorstvu sa Petrović Borislavom i Ferhatović Amilom. *Godišnjak Pravnog fakulteta u Sarajevu*, 2019, god. LXII, str. 673 – 708., **prethodno naučno saopćenje**.

U ovom radu autori, počevši od elaboriranja problema kratkih kazni zatvora i razloga zbog kojih je došlo do uvođenja alternativnih sankcija, prikazuju vrste alternativnih sankcija kojima se zamjenjuje kazna zatvora u trajanju do jedne godine u Federaciji Bosne i Hercegovine i njihove karakteristike, sa fokusom na alternativnu krivičnu sankciju kućnog zatvora sa elektronskim nadzorom, koja je u krivično zakonodavstvo Federacije Bosne i Hercegovine uvedena 2011. godine. Naučni doprinos rada naročito

se ogleda u predstavljanju statističkih podataka o kućnom zatvoru sa elektronskim nadzorom u praksi izvršavanja Federacije Bosne i Hercegovine, promišljanju autora o ovoj alternativnoj sankciji *de lege ferenda*, kao i u izloženom komparativnopravnom aspektu postojanja i primjene ove alternativne sankcije u krivičnom zakonodavstvu Srbije, Hrvatske, Njemačke, Austrije i Švicarske.

3. Teorijsko razgraničenje saučiniteljstva i saučesništva u užem smislu u koautorstvu sa Ferhatović Amilom. Godišnjak Pravnog fakulteta u Sarajevu, 2020, god. LXIII, str. 71 – 98., izvorni naučni rad.

Rad predstavlja polazne teorijske postavke šireg naučnog promatranja instituta saučiniteljstva i njegovog razgraničenja od saučesništva u užem smislu, koji je u konačnici rezultirao i prijavom projekta doktorske disertacije kandidatkinje pod supervizijom i mentorstvom prof. dr Amile Ferhatović na temu „Saučiniteljstvo kao oblik saučesništva u savremenom krivičnom pravu“. U radu se tako ukazuje na izazove s kojim se suočava teorija krivičnog prava u pogledu kolektivnog kriminala, a koji se ogledaju u poteškoćama razlikovanja i razgraničenja saučiniteljstva, podstrekavanja i pomaganja kao javnih oblika saučesništva, odnosno razlikovanja saučiniteljstva i saučesništva u užem smislu. Takve poteškoće su primarno povezane s prirodom djelatnosti koju poduzima svaka od osoba koje učestvuju u učinjenju krivičnog djela, obzirom da je u praksi veoma teško ustanoviti rigidnu granicu u kontekstu pitanja koja djelatnost može biti okarakterizirana kao saučiniteljska, a koje djelatnosti ipak ostaju u domenu saučesništva u užem smislu, odnosno podstrekavanja i pomaganja, kao i u pogledu varijacija u unutarnjem psihičkom odnosu koji osoba koja učestvuje u učinjenju krivičnog djela ima u odnosu na to krivično djelo. Etabliranje teorija o saučiniteljstvu je u tom smislu rezultat dugogodišnjeg nastojanja teorije krivičnog prava da uspostavom određenih kriterija razgraničenja između saučiniteljstva i saučesništva u užem smislu riješi ovo pitanje, pa su se tako izdiferencirale objektivne teorije saučiniteljstva, subjektivne teorije saučiniteljstva i objektivno-subjektivne ili mješovite teorije saučiniteljstva. Navedene grupe teorija o saučiniteljstvu su u radu iscrpno analizirane, razvrstane prema kriterijima razgraničenja saučiniteljstva i saučesništva u užem smislu, odnosno prema tome da li u kriterijima za razgraničenje saučiniteljstva i saučesništva u užem smislu primat daju objektivnom elementu, kao djelatnosti koju osoba poduzima, subjektivnom elementu, kao unutarnjem psihičkom odnosu učesnika prema učinjenju krivičnog djela, ili, pak, sublimiraju i objektivne i subjektivne elemente.

4. Krivičnopravne posljedice pandemije COVID-19 u Bosni i Hercegovini u koautorstvu sa Ferhatović Amilom. Godišnjak Pravnog fakulteta u Sarajevu, 2021, god. LXIV, str. 31 – 64., izvorni naučni rad.

Pandemija COVID-19 je vremenom nedvojbeno postala glavni globalni problem javnog zdravstva i javne sigurnosti, obzirom da je uzrokovala društveno-ekonomski poremećaj, kao i brojne i primjetne posljedice u svim sferama života i društva: pravne, ekonomske, psihološke, itd., i to kako na svjetskom nivou, tako i na nivou pojedinačnih država. Autorice su svoju pažnju u predmetnom radu usmjerile na krivičnopravne posljedice pandemije u Bosni i Hercegovini, prvenstveno iz ugla reorganiziranja krivičnog pravosuđa sa svrhom omogućavanja kontinuiteta u radu krivičnog pravosuđa u vanrednim uslovima i normativnu djelatnost u tom pogledu, te iz ugla fenomenologije kriminaliteta u Bosni i Hercegovini tokom trajanja pandemije, promatranjem Krivičnih djela protiv zdravlja ljudi tokom pandemije (u prvom redu Krivičnih djela prenošenje zarazne bolesti, Nepostupanje po zdravstvenim propisima za vrijeme epidemije, te Neprimjenjivanje mjera za zaštitu od zarazne bolesti, odnosno Zapošljavanje osoba oboljelih od zarazne bolesti), kao i preispitivanjem teze o “pandemiji korupcije” u Bosni i Hercegovini tokom pandemije COVID-19 i eventualnom porastu slučajeva nasilja nad ženama i nasilja u porodici kao tzv. “pandemije iz sjene”.

3.3.2. Učešće na domaćim i međunarodnim naučnim i stručnim skupovima i konferencijama

Kandidatkinja je kao referent bila učesnik brojnih naučnih i stručnih skupova, kako međunarodnih tako i domaćih. Poslije izbora u zvanje stručne saradnice učestvovala je na sljedećim konferencijama:

1. Međunarodna tripartitna konferencija VIII Bosanskohercegovačko – hrvatsko – turski pravnički dani "Prednosti alternativnog rješavanja sporova", 6.4.2019., Sarajevo. Naslov izlaganja: *Kućni zatvor sa elektronskim nadzorom*.
2. 10th International Crime and Punishment Film Festival „I am innocent“, 20 – 26 November 2020, Istanbul. Presentation: *The Presumption of Innocence in Bosnia and Herzegovina's Criminal Law*.

U naprijed naznačenom periodu kandidatkinja je bila i predavačica na dvije međunarodne ljetne škole:

1. Online međunarodna ljetna škola „Law on the Bosphorus 2020“ na temu *Human Rights under (the COVID-19) Pandemic*, Pravni fakultet Univerziteta u Istanbulu u saradnji sa Pravnim fakultetom Leiden, 15.8. – 28.8.2020., Istanbul. Predavanje: *Impact of COVID-19 Pandemic on Criminal Law and Criminal Justice System in Bosnia and Herzegovina*.
2. Online međunarodna ljetna škola „Law on the Bosphorus 2021“ na temu *Istanbul Convention*, Pravni fakultet Univerziteta u Istanbulu, 28.7. – 8.8.2021., Istanbul. Predavanje: *Istanbul Convention: Country Report Bosnia and Herzegovina*.

3.3.3. Naučni i stručni projekti

Kandidatkinja je poslije izbora u zvanje stručne saradnice uzela učešće na sljedećim projektima:

1. Jean Monnet Modul *Language and EU Law Excellence* u organizaciji Pravnog fakulteta Osijek, akademska 2020/2021. godini, učešće u svojstvu polaznice modula,
2. Projekat Nacionalnog centra za državne sudove *Kliničko obrazovanje za studente prava u Bosni i Hercegovini*, učešće u svojstvu koordinatorice studentske prakse na predmetu Krivično pravo I u zimskom semestru akademske 2021/2022.

3.3.4. Nastavna i stručna djelatnost

3.3.4.1. Nastavna djelatnost

Kandidatkinja je od 2018. godine zaposlena na Pravnom fakultetu u Sarajevu sa statusom (pravima i obavezama) asistentice, iako je prijem u radni odnos vezan za zvanje stručne saradnice. Bila je uključena u nastavni proces, odnosno angažirana u realizaciji nastave izvođenjem vježbi na predmetima naučne oblasti Krivično pravo kako slijedi:

- I. akademske 2018/2019. godine na predmetima Krivično pravo I, Krivično pravo II i Međunarodno krivično pravo,
- II. akademske 2019/2020. godine na predmetima Krivično pravo I, Krivično pravo II i Međunarodno krivično pravo,
- III. akademske 2020/2021. godine na predmetima Krivično pravo I, Krivično pravo II i Kriminalistika,
- IV. akademske 2021/2022. godine na predmetima Krivično pravo I, Krivično pravo II i Kriminalistika.

U okviru TRAIN (*Training & Research for Academic Newcomers*) programa je 2019. godine uspješno pohađala sadržaje/module preporučene za rad u visokom obrazovanju – istraživanje, naučno pisanje i publiciranje naučnoistraživačkih/umjetničkoistraživačkih rezultata (društvene i humanističke nauke), didaktika visokog obrazovanja, komunikacija i vještine prezentiranja, poduzetničke sposobnosti u visokom obrazovanju, planiranje kurikuluma u visokom obrazovanju i osnove andragoške djelatnosti u visokom obrazovanju, koji je vrijednovan sa 6 ETCS bodova i služi kao dokaz o minimumu pedagoškog obrazovanja.

Kandidatkinja je 2018. godine bila trener tima Pravnog fakulteta Univerziteta u Sarajevu za učešće na *Državnom takmičenju u simulaciji suđenja iz oblasti krivičnog prava*.

3.3.4.2. Stručna djelatnost

Kandidatkinja od septembra 2018. godine vrši funkciju Sekretara Katedre krivičnog prava. Članica je Vijeća Pravnog fakulteta u Sarajevu kao predstavnik iz reda stručnih saradnika za akademsku 2021/2022. godinu.

U dosadašnjem radu bila je članica brojnih stalnih i povremenih komisija Pravnog fakulteta u Sarajevu, među kojima su: Komisija za evaluaciju nastave i akademskog osoblja Prvog i Drugog ciklusa studija, Komisija za sprovođenje postupka ekvivalencije, Komisija za javne nabavke, Komisija za popis potraživanja, obaveza i novčanih sredstava. Kandidatkinja je učestovala u organizaciji naučne konferencije „Alija Izetbegović i njegovo shvatanje prava i države“, održane 19.10.2018. godine u Sarajevu, koju je organizirao Univerzitet u Sarajevu u saradnji sa Yıldırım Beyazıt Univerzitetom u Ankari, Međunarodne tripartitne naučne konferencije "VIII Bosanskohercegovačko – hrvatsko – turski pravnički dani" na temu „Prednosti alternativnog rješavanja sporova“, održane 6.4.2019. godine u Sarajevu, kao i u izradi Knjige sažetaka tripartitne konferencije (prijevod s engleskog i turskog jezika, tehnička obrada i korektura za bosanski, hrvatski i srpski jezik). Pored navedenog, bila je i članica Izvršnog odbora Organizacionog odbora za obilježavanje 75 godina Pravnog fakulteta Univerziteta u Sarajevu.

Od juna 2021. godine je članica *Editorial Managment Board*-a časopisa „Journal of Penal Law and Criminology“, Istanbul University Press, u svojstvu *Editorial Assistant*.

Zaključna ocjena i prijedlog Komisije

Na konkurs za izbor jednog saradnika/ice u zvanje višeg asistenta/ice na predmetima naučne oblasti Krivično pravo na studijskim programima Univerziteta u Sarajevu – Pravnog fakulteta, objavljenom u dnevnom listu „Oslobođenje“ od 6.1.2022. godine i internet stranicama Fakulteta i Univerziteta, prijavila se jedna kandidatkinja: Kanita Prušćanović, MA iur.

1. Na osnovu činjenica izloženih u ovom Izvještaju, Komisija jednoglasno procjenjuje da Kanita Prušćanović, MA iur., posjeduje stručne, naučno – istraživačke i pedagoške karakteristike, te da ispunjava sve tražene uvjete za izbor u naučnonastavno zvanje više asistentice na predmetima naučne oblasti Krivično pravo na studijskim programima Pravnog fakulteta u Sarajevu u skladu sa zakonskim i statutarnim odredbama.

Konkretnije, Kanita Prušćanović, MA iur. je :

- 1.1. završila Drugi ciklus studija (300 ECTS bodova) na Pravnom fakultetu Univerziteta u Sarajevu, Katedri za krivično pravo, smjer Maloljetničko prestupništvo, sa prosječnom ocjenom na Prvom i na Drugom ciklusu studija koja iznosi 9.94,


- 1.2. provela jedan izborni period sa statusom (pravima i obavezama) asistentice u periodu 2018 – 2022. godine,
 - 1.3. kao koautorica, od izbora u zvanje stručne saradnice, objavila 3 naučna rada i 1 izvještaj, koji po svom sadržaju te vrsti i strukturi publikacija u kojima su objavljeni odgovaraju Zakonom i Statutom utvrđenim uvjetima za naučno – istraživački rad,
 - 1.4. bila učesnica 1 projekta i polaznica 1 Jean Monnet Modula,
 - 1.5. sudjelovala na 2 međunarodne konferencije sa izlaganjima/referatima i bila predavačica na 2 međunarodne ljetne škole u inozemstvu.
2. Zaključno, Komisija konstatira da kandidatkinja Kanita Pruščanović, MA iur. ispunjava uvjete za izbor u zvanje više asistentice propisane odredbama čl. 96. st. (1) tač. b) i čl. 180. st. (15) ZVO i čl. 194. st. (1) tač. b) i čl. 219. Statuta u primjetno višoj mjeri nego je propisano, te prema tome Komisija ocjenjuje dosadašnji rad izuzetnim. Iz navedenih razloga Komisija sa zadovoljstvom Nastavno – naučnom vijeću Pravnog fakulteta Univerziteta u Sarajevu

predlaže

da usvoji ovaj Izvještaj sa prijedlogom da se kandidatkinja Kanita Pruščanović, MA iur. izabere u naučnonastavno zvanje više asistentice za naučnu oblast Krivično pravo.

Komisija

Akademik, prof. dr. Borislav Petrović



Prof. dr. Amila Ferhatović



Prof. dr. Hajrija Sijerčić – Čolić

